



Broj: 01/05-04-3216/26
Sarajevo, 21.05.2026. godine

Na osnovu člana 22. stav (2) Odluke o izvršavanju Budžeta Grada Sarajeva za 2026. godinu ("Službene novine Kantona Sarajevo", broj: 1/26), a u vezi sa članom 42. stav 1. tačka g) Statuta Grada Sarajeva („Službene novine Kantona Sarajevo“, broj: 7/23) i strateškim prioritetom 5.3., te mjerom 5.3.2. Saradnja sa vjerskim zajednicama i crkvama (Strategija razvoja Grada Sarajeva 2021-2027.), te u skladu sa odredbama Pravilnika o kriterijima za raspodjelu i dodjelu sredstava tekućeg granta u Budžetu Grada Sarajeva za potrebe vjerskih zajednica i crkava („Službene novine Kantona Sarajevo“, br. 35/17, 20/24 i 19/26), gradonačelnik Grada Sarajeva raspisuje:

JAVNI POZIV
za sufinansiranje potreba vjerskih zajednica i crkava iz Budžeta Grada Sarajeva
za 2026. godinu

1. Predmet Javnog poziva je prikupljanje zahtjeva za sufinansiranje potreba vjerskih zajednica i crkava iz Budžeta Grada Sarajeva za 2026. godinu.
2. Pravo učešća na Javnom pozivu imaju crkve i vjerske zajednice koje su registrovane u skladu sa Zakonom o slobodi vjere i pravnom položaju crkava i vjerskih zajednica u Bosni i Hercegovini („Službeni glasnik Bosne i Hercegovine“, broj: 5/04) i čije djelatnosti se odvijaju kroz zakonom dozvoljene aktivnosti, elaborirane kroz posebne projekte za potrebe obrazovanja, zdravstvene potrebe, humanitarne i druge aktivnosti.
3. Sredstva za realizaciju Javnog poziva obezbijedena su u Budžetu Grada Sarajeva za 2026. godinu ("Službene novine Kantona Sarajevo", broj: 1/26), na poziciji 614300: Tekući transferi neprofitnim organizacijama: Sredstva za vjerske zajednice i crkve – javni poziv, u ukupnom iznosu od 100.000,00 KM.
4. Finansijska sredstva, koja se dodjeljuju ovim javnim pozivom iz Budžeta Grada Sarajeva za 2026. godinu, mogu se koristiti isključivo za sufinansiranje djelatnosti iz tačke 2. Javnog poziva, a ne mogu se koristiti za kapitalna ulaganja, pokrivanje troškova primanja zaposlenih, pokrivanje troškova ugovora o djelu, pokriće gubitaka, poreza i doprinosa.
5. Učesnici koji se prijavljuju na Javni poziv, dužni su da dostave potpunu dokumentaciju (original ili ovjerena fotokopija), kako slijedi:





- a) Zahtjev- tekstualna prijava na javni poziv;
- b) Dokaz o upisu u registar kod nadležnog organa (Rješenje o upisu ili Izvod iz Registra);
- c) Porezni identifikacioni broj (ID broj);
- d) Broj transakcijskog računa (ugovor sa bankom ili potvrda o otvorenom računu).

Visina iznosa finansijskih sredstava koja će se pojedinačno, ugovorom dodijeliti uspješnim učesnicima utvrđuje se u skladu sa Pravilnikom o kriterijima za raspodjelu i dodjelu sredstava tekućeg granta u Budžetu Grada Sarajeva za potrebe vjerskih zajednica i crkava („Službene novine Kantona Sarajevo“, broj 35/17, 20/24 i 19/26).

Način podnošenja prijava

Prijave na Javni poziv podnose se u roku od 15 dana od dana objavljivanja istog na službenoj web stranici Grada Sarajeva, u zatvorenoj koverti lično na protokol ili putem pošte na adresu Grad Sarajevo, Gradska uprava, Gradska služba za lokalnu samoupravu, Ćemaluša broj 9, sa naznakom „Javni poziv za sufinansiranje potreba vjerskih zajednica i crkava iz Budžeta Grada Sarajeva za 2026. godinu – Ne otvaraj“ i sa naznakom/nazivom podnosioca prijave.

Neblagovremene i nepotpune prijave neće biti uzete u razmatranje.

Prijave sa cjelokupnom dokumentacijom, pristigle na Javni poziv, nadležna Služba za lokalnu samoupravu obrađuje i valorizira sa aspekta validnosti dostavljene dokumentacije i shodno Pravilniku o kriterijima za raspodjelu i dodjelu sredstava tekućeg granta u Budžetu Grada Sarajeva za potrebe vjerskih zajednica i crkava, formira mišljenje/prijedlog, te isto dostavlja gradonačelniku Grada Sarajeva, koji dalje postupa u skladu sa odredbama navedenog Pravilnika.

Lista podržanih Učesnika biće objavljena na službenoj web stranici Grada Sarajeva www.sarajevo.ba.

Sve dodatne informacije mogu se dobiti u Gradskoj službi za lokalnu samoupravu, putem kontakt telefona: 033/407 434, 033/407 414, 033/407 965.

GRADONAČELNIK

Samir Avdić, s.r.